

Sporazumne strane:

Prirodno-matematički fakultet Univerziteta u Sarajevu, ulica Zmaja od Bosne 33-35, kojeg zastupa Dekan, prof. dr. Nusret Drešković (u daljem tekstu: Fakultet) i

Klub vodenih sportova S.C.U.B.A. Sarajevo, ulica Trg Grada Prato br. 24, kojeg zastupa Adnan Drnda, predsjednik (u daljem tekstu: S.C.U.B.A.)

dana 11.03.2021. godine zaključili su sljedeći

SPORAZUM O SARADNJI

I Predmet Sporazuma

Član 1.

Predmet ovog Sporazuma je realizacija zajedničkih aktivnosti i naučno-istraživačka saradnja na projektu pod nazivom: „**Biomonitoring i procjena konzervacijskog statusa *Pinna nobilis* L. u BiH akvatorijumu kao pretpostavka za remedijaciju vrste i habitata, te učešće u HORIZON2020 projektima**“ koji se realizira u okviru „Programa za pripremu projekata i potencijalnih kandidata za sredstva iz fonda H2020“ za 2020. godinu Ministarstva civilnih poslova BiH.

Član 2.

Fakultet je nosilac/podnosilac projekta pod nazivom: „**Biomonitoring i procjena konzervacijskog statusa *Pinna nobilis* L. u BiH akvatorijumu kao pretpostavka za remedijaciju vrste i habitata te učešće u HORIZON2020 projektima**“. Partnerske organizacije na projektu su S.C.U.B.A i Alumni Prve bošnjačke gimnazije Sarajevo.

II Ciljevi saradnje

Član 3.

Fakultet i S.C.U.B.A. usaglašeni su da će njihova saradnja biti usmjerena ka dostizanju slijedećih ciljeva:

- I. ispunjavanje preduvjeta neophodnih za re-evaluaciju konzervacijskog statusa vrste *Pinna nobilis* L. u FBiH, a što će se postići kroz zadatke:
 - a. analiza distribucije i procjena gustine populacije vrste *Pinna nobilis* L. kao i stope mortaliteta na 24 lokaliteta u Neumskom zaljevu
 - b. definisanje tipova staništa naseljenih vrstom *Pinna nobilis* L.
 - c. uspostava geo-referencirane baze podataka za vrstu *Pinna nobilis* L.
 - d. jačanje naučno-istraživačkih kapaciteta u oblasti marinske ekologije.

III Sporazumne obaveze potpisnika

Član 4.

- (1) Fakultet kao nosilac projekta je odgovoran za upravljanje i koordinaciju projektnih aktivnosti, te alokaciju finansijskih sredstava na račun partnerske organizacije, a prema dinamici aktivnosti predviđenih projektom.
- (2) Isplata finansijskih sredstava će se vršiti u skladu sa dinamikom projektnih aktivnosti.
- (3) U izvršavanju preuzetih sporazumnih obaveza u realizaciji predmeta iz člana 1. ovog Sporazuma, Fakultet i S.C.U.B.A. saglasni su da međusobno ne mogu isticati finansijska, odnosno materijalna potraživanja izuzev onih utvrđenih u stavu (1) ovog člana Sporazuma.
- (4) Sve usluge koje su obuhvaćene aktivnošću „zaron“ će se realizirati od strane partnerske organizacije S.C.U.B.A. što uključuje sljedeće: punjenje ronilačkih boca, rad kompresora, najam kompletne ronilačke opreme (amortizacija) – ronilačko odijelo, kompenzator plovnosti, peraje, maska, regulator, čizmice, pojas s tegovima, najam foto i video opreme (amortizacija)- DSLR profesionalni fotoaparat u podvodnom kućištu sa podvodnom rasvjetom, GoPro Hero 5/6/7 u podvodnom kućištusa LCD monitorom 7" I podvodnom rasvjetom.
- (5) Partnerska organizacija S.C.U.B.A. će u roku od 7 (sedam) dana nakon obavljenih terenskih istraživanja dostaviti izvještaj o istom uz prateću foto-dokumentaciju i narativni izvještaj.
- (6) Sastavni dio izvještaja iz stava (5) uključuje i izvještaj o utrošku sredstava koji podrazumijeva narativni dio i prateću finansijsku dokumentaciju kojom se dokazuje utrošak sredstava. Ista će biti korištena za dokazivanje/pravdanje utrošenih sredstava finansijeru projekta, odnosno Ministarstvu civilnih poslova BiH.
- (7) Partnerska organizacija Alumni Prve bošnjačke gimnazije Sarajevo je odgovorna za tehničku potporu tokom realizacije projektnih aktivnosti.

IV Trajanje Sporazuma

Član 5.

Krajnji rok za realizaciju ovog Sporazuma je 30.06.2021. godine.

V Završne odredbe

Član 6.

Sporazum se može raskinuti od strane bilo kojeg potpisnika, pismenim obavještenjem u slučaju nemogućnosti njegovog izvršenja i u drugim slučajevima kršenja ovog Sporazuma.

Sporazumne strane su saglasne da se sve druge obaveze koje nisu obuhvaćene ovim Sporazumom, a koje su u skladu sa članom 4. istog, mogu sporazumno proširiti budućim aneksima ovog Sporazuma.


Svi sporovi koji mogu nastati u vezi sa interpretacijom ili implementacijom ovog Sporazuma bit će riješeni u dobroj volji i uzajamnom poštovanju potpisnih strana.

Ovaj Sporazum je sačinjen u 4 (četiri) istovjetna primjerka od kojih svaki ima dokaznu snagu originala, a svaka sporazumna strana zadržava po jedan primjerak.

**PRIRODNO-MATEMATIČKI
FAKULTET**

UNIVERZITETA U

SARAJEVU



Prof. dr. Nusret Drešković

Broj: 01/01-554/1-2021

Sarajevo, 11.03.2021.

KVS S.C.U.B.A.

SARAJEVO



Broj: 01-2021

Sarajevo, 12.03.2021.